



POLASAÍ IONTRÁLA

IAR-BHUNSCOIL COLÁISTE NAOMH EOIN

2026/2027

IAR-BHUNSCOIL COLÁISTE NAOMH EOIN

Inis Meáin, Oileain Árann, Co na Gaillimh

POLASAÍ IONTRÁLA MAIDIR LEIS AN SCOILBHLIAIN 2026 /2027

COLÁISTE NAOMH EOIN
Iar-bhunscoil

Glactha leis ag an mBord Bainistíochta ar an

Faofa ag an mBord Oideachas agus Oiliúna na Gaillimhe agus Ros Comáin (BOOGR) ar an

Ullmhaíodh an Béartas seo i gcomhairle le Tuismitheoirí, Scoláirí, Baill Foirne, an Bord Bainistíochta agus an BOOGR

Síniú Príomhoide

Mairéad Ní Fhátharta

Foireann na Scoile		
Tuismitheoirí		
Comhairle na nDaltaí		
Bord Bainistíochta		
Dáta athbhreithnithe		

Síniú Príomhoide: _____

Síniú Cathaoirleach: _____

Bunófar iarratas ar chead iontrála ar chur i bhfeidhm an Pholasaí seo, ar an eolas atá leagtha amach i bhFógra Iontrála bliantúil na scoile agus ar an eolas a chuireann an t-iarratasóir ar fáil ina iarratas iontrála, nuair a bheidh sé faighte roimh an dáta deiridh a n-glacfar le hiarratais mar atá leagtha amach sa bhFógra Iontrála. Is é/í Príomhoide Choláiste Naomh Eoin atá freagrach as an bPolasaí Iontrála seo a chur i bhfeidhm.

Maidir le Coláiste Naomh Eoin

Is in 2002 a bunaíodh Coláiste Naomh Eoin agus tar éis 16 bliain faoi scáth Choláiste Cholmcille, Indreabhán, bunaíodh stadas Neamhsplách ar an scoile leia an Uimhir Rolla 76534Q.

Misean Ráiteas na Scoile

Scoil Oileáin í Coláiste Naomh Eoin a dhéanann freastal ar riachtanais oideachais iomlánach an scoláire ag déanamh cúram do chuimsiú an dalta chun barr a gcumais a bhaint amach agus chun iad a ullmhúchun a bheith in a saoránaigh gníomhach domhanda.

Déanann an scoil freastal ar fhorbairt phearsanta an dalta, ag déanamh cúram d'fholláine, de féin mhuinín agus do chumascumarsáidechun go mbeidh na scoláirí réitigh chun saol a mbeidh said bródúil as a caitheamh agus go mbeidh dúilsa bhfoghlaim fad saoil acu.

Tarlaíonn sealbhú, saibhriú agus sóisialúin árd teanga dúchais, an Ghaeilge, agus inár n-oidhreacht Ghaelach, go laethúil. Atmaisféar cáirdiúil, spreagúil a chur ar fail sa scoil.

Stair Achomair na Scoile

Scoil óg bhríomhar í Coláiste Naomh Eoin atá ag tairiscint malairt taithí oideachasúil d'oileánaigh agus do scoláirí ón mórthír de bharr a suíomh agus a cúlra ar leith. Déanann an Roinn Cultúir, Oidhreacht agus Gaeltachta scoláireachtaí lóistín ar feadh bliana a mhaoiniú do scoláirí ón tírmhór chun freastal ar an scoil. Bunaíodh Coláiste Naomh Eoin ar bhun píolóiteach i 2001, i bhfoirgnimh Charcair na Leacht ar Inis Meáin. Is iad Comharchumann an Oileáin ag an am a bhunaigh an Mhéanscoil mar fhreagra ar iarrachtaí ó thuismitheoirí áitúla cearta oideachais a gcuid gasúir a sholthár.

Roimh an gcéim mhílteach seo bhí ar chuile ghasúr ón oileán a bhaile a fhágáil ag aois dhá bhliain déag má bhí siad chun oideachas dara leibhéal a fháil. Ar tús le teacht saor oideachais chuaigh scoláirí

Inis Meáin chuig scoileanna cónaithe éagsúla ar fud na Gaillimhe agus Mhuigh Eo, áit a mbíodh siad ar feadh téarma fada scoile roimh fhilleadh abhaile. Ghearr an imeacht luath seo an ceangal leis an mbaile ag aois óg, gníomh a raibh banú pobail mar thoradh ar. Tháinig meath mór sna 90'áí ar líon na n-oird rialta agus dúnadh síos na scoileanna cónaithe ar a fhreastal na h-oiléanaigh. Bhí an deontas lóistíne do cheantair iargulta fós ar fáil ón Roinn Oideachais agus Scileanna ach ní raibh aon socrú ó thaobh scolaíocht leagtha síos.

Bunaíodh Meanscoil ar Inis Mór I 1953 agus ar Inis Oirr in 1986. Tá deacraíocht rochtain ag baint le hoileáin mara agus cinnte bíonn na deacrachtaí dubailte nuair is taisteal idir oileáin a bhíonn i gceist. Déanadh iarrachtaí thar na mblianta usáid a bhaint as na meán scoileanna ar na hoileáin ach ó thaobh rochtain agus cúrsaí sábháilteachta bhí sé seo dodhéanta. Bhí tuismitheoirí Inis Meáin inmíoch faoi shábháilteacht agus slándáil a bpáistí chomh maith lena gCearta oideachais mar sin bunaíodh Coláiste Naomh Eoin.

Glacadh isteach Coláiste Naomh Eoin faoi scáth máthar scoil ar an mórhír, sin Coláiste Cholmcille Indreabhán a tháinig faoi chúram Choiste Gairm Oideachais Co na Gaillimhe, a fheidhmíonn mar Bhord Oideachais agus Oiliúna na Gaillimhe & Roscommáin anois. Thug Roinn na Gaeltachta isteach scéim scoláireachtaí do scoláirí ón mórhír chun freastal ar mheánscoileanna na n-oileáin Ghaeltachta agus leis sin bhí naonúr scoláirí sa scoil. Ó 2002-2007 bhí curaclaim suas chuig an Teastas Sóisearach ar bun sa scoil. Bhíodh gasúir agus múinteoirí ag taisteal idir an Oileán agus an mórhír go laethúil rud a d'fhág go leor deacrachtaí ó thaobh cinnteacht curaclaim, bíodh múinteoirí ag cailleadh go leor ama ranga de bharr dhroch aimsir agus scoláirí ag cailleadh laethanta scoile sáinnithe ar thaobh amháin nó taobh eile.

Tháinig plean fad téarmach don scoil i 2007 agus tugadh isteach cúrsana hArdteiste. Fostaíodh múinteoirí a bhí sásta a bheith lonnaithe ar an Oileán go lán-aimseartha agus gearradh amach an taisteal chuig Coláiste Cholm Cille Indreabhán. Fostaíodh Mairéad Ní Fhátharta mar mhúinteoir I bhfeighil agus tugadhuas ghradú ar an stádas poist seo go dtí Príomhoide Cúnta di i 2014 agus i mí Meán Fómhar 2018 bhronn Taoiseach Leo Varadkar stadas neamh spleách ar Choláiste Naomh Eoin, gníomh a chiallaíonn go bhfuil a huimhir rolla féin ag an scoil chomh maith le structúr bainistíochta.

Suíomh

Is scoil lán-Ghaeilge, Gaeltachta í Coláiste Naomh Eoin. Tá sí suite ar Inis Meáin, an t-oileán láir de thrí Oileáin Árann.

Scoileanna Dara Leibhéal in Aice Láimhe

Níl aon scoil eile dara leibhéal ar an Oileán. Tagann scoláirí Choláiste Naomh Eoin ón Oileán agus ó fud fad na tíre mar go bhfuil scéim scoláireacht cónaithe dá fheidhmiú ag an scoil.

Eolas bhreise ar www.colaistenaomheoin.ie

Tairgtear na Cláir seo a leanas sa scoil:

- Clár Trí Bliana don Teastas Sóisearach
- Clár na hIdirbhliana
- Gnáthchlár Dhá Bhliain na hArdteistiméireachta
- Gairmchlár na hArdteistiméireachta

Tá an idirbhlian éigeantach sa scoil agus bíonn taithí oibre trí seachtaine mar chuid den chlár. Tá forbairt phearsanta an dalta lárnach don chlár seo. Tá béim láidir ar fhorbairt iomlánach an dalta le ceardlainn agus aoi chainteoirí rialta chun na daltaí a chumasú don saol mór. Tá áit lárnach ag foláinne sa scoil. Tá ceangal ar leith ag an scoil seo leis an bpobal agus gach bliain eagraíonn an scoil Rás Náisiúnta Inis Ion Meáin mar ócáid poiblí chun oideachas ar oileán a cheiliúradh agus chun airgead a bhailiú don scoil.

Tá réimse leathan sheach-churaclaim atá ar siúl i gColáiste Naomh Eoin. Glacann an scoil páirt in nGaisce, Eolaí óg, ECO UNESCO, Junk Koture, díospóireachtaí, dramaíocht agus go leor comórtais eile. Tá áit ar leith ag an gceol agus ag an amhránaíocht sa scoil agus glacann an scoil páirt in Oireachtas na Gaeilge gach bliain.

CLÁR NA nÁBHAR

CUID A – *Eolas Ginearálta do gach Iarratasóir*

1. Gluais na dtéarmaí
2. Ráiteas Iontrála
3. Creat Dlí
4. Coinníollacha Ginearálta Iontrála

CUID B - *Eolas do Chatagóirí ar leith d'Iarratasóirí*

5. Iarratas a dhéanamh ar Ghrúpa na Chéad Bhliana
6. Iarratas a dhéanamh ar na Bliainghrúpaí Eile go Léir Seachas an Chéad Bhliain
7. Iarratas a dhéanamh ar Rang(anna) Speisialta

CUID A

Eolas Ginearálta do Gach Iarratasóir

- 1. Gluais na dtéarmaí***
- 2. Ráiteas Iontrála***
- 3. Creat Dlí***
- 4. Coinníollacha Ginearálta Iontrála (do gach Iarratasóir)***

1 Gluais na dTearmaí

Is éard is brí le h'**Iarratasóir**' ná tuismitheoir/caomhnóir Dalta, nó, i gcás Dalta a bhfuil 18 bliana sroichte aige/aici, an Dalta féin, a bhfuil iarratas iontrála déanta aige ar Choláiste Cholmcille.

Is éard is brí le '**Dalta**' an duine a bhfuil iarratas á dhéanamh thar a c(h)eann. Tugtar le fios gur dalta 'ionchasach' atá i gceist leis an bhfocal sin agus an focal sin in úsáid síos tríd an Polasaí seo mar chuid den léirmhíniú. Is é sin, ní hionann go bhfuiltear ag úsáid an fhocail 'Dalta' agus go bhfuil glactha lena iarratas/hiarratas ionas go mbíonn glactha leis/léi ina D(h)alta Choláiste Cholmcillede bhua iarratais amháin.

'**Inscne**', i gcomhréir leis an sainmhíniú maidir leis "*an bhforas inscne*" san Acht um Stádas Comhionann 2000 "*gur fear é duine acu agus gur bean í an duine eile*". Ní chuireann seo cosc ar scoil a chuireann oideachas ar fáil d'inscne amháin glacadh le hiarratais thar ceann Daltaí a aithníonn iad féin a bheith mar dhuine den inscne sin. Ní dhéanann seo dochar d'aon Dalta atá idirghnéasach nó a aithníonn iad féin a bheith Andraigíneach/Andraigín, Dé-inscneach, Leathinscneach, Solúbtha ó thaobh Inscne de, Aiteach ó thaobh Inscne de, Ilinscneach, Neutrois, Neamh-Dhénártha, Trasinscne, Trasghnéasach nó eile.

Tá an bhrí chéanna le 'Tuismitheoir' is atá san Acht Oideachais 1998 agus áirítear leis sin tuismitheoir altrama agus caomhnóir arna gceapadh faoi na hAchtanna um Chaomhnóireacht Leanaí 1964 go 1997.

Tagraíonn 'Ceantar na Scoile' do cheantar cónaithe scoláirí a chláraíonn i gColáiste Cholm Cille. Glactar le scoláirí ó (*ní in ord tosaíochta*);

- 1.1. Scoil Náisiúnta Inis Meáin
- 1.2. Scoileanna eile a dhéanann iarratas.

.

Chun críche an chritéir roghnúcháin maidir le dalta ar fhreastail siblín leis/léi ar an scoil chéanna, tagraíonn '**Siblín**' do lánshiblí, leathshiblí, siblí altrama agus leas-shiblí.

Chun críche an chritéir roghnúcháin maidir le dalta a bhfuil siblín leis/léi ar rolla na scoile faoi láthair, tagraíonn '**Siblín**' do lánshiblí, leathshiblí, siblí altrama agus leas-shiblí agus siblí a bhfuil cónaí orthu sa teaghlach céanna

Tabhair ar Aird: is ar mhaithe le teaghlaigh a mbíonn orthu níos mó ná turas amháin a dhéanamh chuig

an scoil agus/nó ón scoil a éascú atá an dara sainmhíniú níos leithne sa dara alt den dá alt atá tugtha díreach thuas.

Is éard is brí le '**Rang Speisialta**' rang, le ceadú an Aire Oideachais agus Scileanna, a bhunaigh scoil chun oideachas a chur ar fáil do Dhaltaí a bhfuil catagóir nó catagóirí riachtanais speisialta oideachais ag dul dóibh, arna sainiú ag an Aire Oideachais agus Scileanna.

Ciallaíonn '**Tuarascáil Ábhartha**', faoi mar a chuir an Roinn Oideachais agus an Chomhairle Náisiúnta um Oideachas Speisialta (an CNOS) in iúl, tuarascáil scríofa bunaithe ar mheasúnú a rinne gairmí ábhartha a:

- (a) thugannfianaisemhionsonraithe ar riachtanais an Dalta;
- (b) a dheimhníonn gur riachtanais chasta/throma oideachais iad na riachtanais sin a eascraíonn as diagnóis ainmnithe a bhaineann leis an Dalta, agus
- (c) a dhéanann moladh maidir le socrúchán i Rang Speisialtadon Dalta ar bhonn ac(h)uid riachtanas oideachais casta/dian ag eascairt as an diagnóis sin.

Féadtar a áireamh leis an ngairmí ábhartha síceolaí oideachais, síceolaí, gairmithe sláinte ábhartha eile, seirbhísí míchumais FSS nó foireann ildisciplíneach FSS, ar aon dul le treoir a d'eisigh an CNOS maidir leis an bpointe seo.

Is éard is brí leis an '**gCéad Bhliain**' an grúpa Daltaí a nglactar leo don rang nó an bhliain is sóisearaí sa scoil.

2 Ráiteas Iontrála

Is iarbhunscoil í Coláiste Naomh Eoin faoi phatrúnacht Bord Oideachais agus Oiliúna na Gaillimhe agus Ros Comáin. Is scoililchreidmheach í a dhéanannfreastal ar pobaliomlánan OileanGaeltachta ar a dtugtar Inis Meáin.

Is scoileanna stáit, comhoideachais, il-sainchreidmheacha iad scoileanna BOO a bhfuil na croí luachanna seo a leanas mar bhonn agus mar thaca acu:

- Barr Feabhais san Oideachas;
- Cúram;
- Comhionannas;
- Pobalagus
- Meas.



Is mar seo a leanas a dhéanann earnáil na mBOOanna, mar sholáthróir oideachais an stáit, scoil 'il-sainchreidmheach' a shainmhíniú:

Tugtar an deischéanna do gach dalta rollúi scoileanna BOO I gcomhréir leis an Acht Oideachais (Ligean isteachiScoileanna), 2018. Nuair atá daltaí ar an rolla, féacht ar in ár gcuid scoileanna leis na deiseanna céanna a chur ar fáil do gach dalta a bheith rannpháirteach sa churaclam agus i saol na scoile. Caitear go cothrom le gach duine de phobal na scoil ein gach gné de shaol na scoile gan beann ar chine, inscne, reiligiún/creideamh, aois, stádas teaghlaigh, stádas sibhialta, ar duine den Lucht Siúiliad, claonadh gnéis, cumas nó stádas socheacnamaíoch.

Cuirtear timpeallacht shlán fhisiciúil agus shóisialta ar fail inár gcuid scoileanna a chothaíonn ceangal láidir imeasc phobal na scoile agus an pobaligcoitinne. Féach an ngach scoil cur ar chumas gach dalta barr a gcumais a bhaint amach gan beann ar fhéiniúlacht nó cúlra. Cuirtear oideachas lán-ionchuimsithe chun cinninár gcuid scoileannaina n-aithnítear an i liom a dféiniúlachtaí, creideamh agus luachanna daltaí, tuismitheoirí agus bhaill den fhoireann. Ullmhaímid saoránaigh atá leathanaigeanta, a bhfuil tuiscint acu ar chultúir, atá freagrach agus a bhfuil meas acu ar chomhluachanna.

Caitear mar a chéile le daltaí de gach reiligiún agus creideamh i scoileanna BOO. Ní thugtar buntáiste d'aon ghrúpa ar leith seachas grúpa eile i dtimpeallacht ná i ngníomhaíochtaí scoile agus tugtar aitheantas ag an am céanna do dhaltaí de gach reiligiún agus creideamh agus éascaítear iad.

Dá réir sin, ní dhéanfaidh Coláiste Naomh Eoin aon leithcheal maidir le Dalta a ligean isteach bunaithe ar na forais a leanas:

- 2.1. Inscne an Dalta nó an Iarratasóra. Sa chás nach nglacann scoil ach le hinscne amháin áfach, ní leithcheal é mura nglacann an scoil sin le Daltaí nach mbaineann leis an inscne sin;
- 2.2. Stádas sibhialta an Dalta nó Iarratasóra.

- 2.3. Stádas teaghlaigh an Dalta nó Iarratasóra.
- 2.4. Claonadh gnéis an Dalta nó Iarratasóra.
- 2.5. Reiligiún an Dalta nó Iarratasóra.
- 2.6. Míchumas an Dalta nó Iarratasóra.
- 2.7. Cine an Dalta nó Iarratasóra.
- 2.8. Gur duine den Lucht Siúil an Dalta nó an tIarratasóir.
- 2.9. Riachtanais oideachais speisialta an Dalta nó Iarratasóra. Sa chás go gcuireann scoil oideachas ar fáil do chatagóir nó do chatagóirí riachtanais oideachais speisialta amháin i Rang Speisialta áfach, ní leithcheal é mura nglactar le Dalta sa rang nach mbaineann an riachtanas/na riachtanas oideachais speisialta leis/léi.

Ní ghearrfaidh Coláiste Naomh Eointáillí ná íocaíochtaí ná ní bheidh an scoil ag lorg ran íocaíochtaí mar choinníoll iontrála ná i ndáil le rollú leanúnach an Dalta.

3 Creat Dlí

Bunaíodh Bord Oideachais agus Oiliúna na Gaillimhe agus Ros Comáin faoin Acht um Boird Oideachais agus Oiliúna 2013 ina leagtar amach feidhmeanna gach BOO, lena n-áirítear scoileanna aitheanta, ionaid oideachais, agus saoráidí oideachais agus oiliúna a bhunú agus a choinneáil i limistéar feidhme gach BOO.

Coiste a bunaíodh faoi alt 44 den Acht um Boird Oideachais agus Oiliúna 2013 é bord bainistíochta Choláiste Naomh Eoin agus is ionann sin chomh maith agus bord bainistíochta de réir bhrí an Achta Oideachais 1998.

Leagann an tAcht Oideachais (Ligean isteach i Scoileanna), 2018 agus an tAcht Oideachais (Leas) 2000 dualgas ar scoileanna Polasaí Iontrála a ullmhú agus a fhoilsiú.

Déantar foráil san Acht Oideachais 1998 do phróiseas achomhairc sa chás go ndiúltaítear le rollú. Leagtar amach an próiseas achomhairc in alt 5.3 maidir le hiarratais a dhéantar ar Ghrúpa na Céad Bhliana agus in alt 6.3 maidir le hiarratais a dhéantar ar gach bliain seachas ar Ghrúpa na Chéad Bhliana.

Comhoibreoidh Coláiste Naomh Eoin leis an gComhairle Náisiúnta um Oideachas Speisialta i gcomhlíonadh feidhmeanna na Comhairle faoin Acht um Oideachas do Dhaoine a bhfuil Riachtanais Speisialta Oideachais acu 2004 maidir le soláthar oideachais do leanaí a bhfuil riachtanais speisialta oideachais acu, lena n-áirítear soláthar agus feidhmiú rang nó ranganna speisialta nuair a iarrann an Chomhairle a leithéid.

Comhlíonfaidh Coláiste Naomh Eoin le haon ordúchán a sheirbheálfar ar an bpátrún nó ar an mbord, de réir mar is ábhartha, faoi alt 37A agus le haon ordúchán a sheirbheálfar ar an mbord faoi alt 67(4)(b) den Acht Oideachais.

Éilítear in Alt 62(7)(n) den Acht Oideachais 1998 ar gach scoil na socruithe atá i bhfeidhm sa chás go ndéanann tuismitheoir, nó dalta atá os cionn 18 bliana d'aois, iarratas gan a bheith páirteach i dtreoir reiligiúnach a leagan amach i bPolasaí Iontrála na scoile.

4 Coinníollacha Ginearálta Iontrála

Bunófar cinneadh ar iarratas ar iontráil:

- ar chur i bhfeidhm an Pholasaí Iontrála seo,
- ar Fhógra Iontrála bliantúil na scoile, agus
- ar an eolas a chuireann an t-iarratasóir ar fáil san iarratas ar iontráil.

Agus iarratas á phróiseáil, **ní chuirfidh Coláiste Naomh Eoinna nithe seo a leanas san áireamh:**

4.1 Íocaíocht táillí nó ranníocaíochtaí leis an scoil;

4.2 Cumas acadúil, scileanna nó inniúlacht an Dalta; ach amháin más rud é:

- go bhfuil sé riachtanach a fháil amach má bhaineann nó mura mbaineann an Dalta leis an gcatagóir riachtanais oideachais speisialta a bhaineann le ligean isteach i scoil atá faofa ag an Aire Oideachais mar scoil a sholáthraíonn oideachas go heisiach do Dhaltaí a mbaineann catagóir riachtanais speisialta oideachais ar leith nó rang speisialta leo;
- go soláthraíonn an tIarratasóir fianaise ar an méid sin mar fhianaise ar leibhéal líofachta an Dalta sa Ghaeilge agus go bhfuil ró-iarratas ar an scoil;

4.3 Slí bheatha, stádas airgeadais, cumas acadúil, scileanna nó inniúlacht Tuismitheoir(í) Dalta;

4.4 Riachtanas go bhfreastalódh Dalta nó a T(h)uismitheoir(í) ar agallamh, lá oscailte nó cruinniú eile mar choinníoll iontrála;

4.5 An nasc atá ag Dalta leis an scoil toisc ball teaghlaigh a bheith aige/aici atá ag freastal nó a d'fhreastail roimhe sin ar an scoil, ach amháin má bhaineann an nasc le siblín de chuid an Dalta atá ag freastal, nó a d'fhreastail, ar an scoil, nó le tuismitheoir nó seantuismitheoir a d'fhreastail ar an scoil. Ní líonfar níos mó ná 25% de na háiteanna atá ar fáil, de réir mar a leagtar amach i bhFógra Iontrála na scoile don bhliain acadúil sin, leis an gcritéar seo, áfach

4.6 An dáta agus an t-am a fuair an scoil iarratas iontrála fad is a fhaightear é le linn na tréimhse a shonraítear chun iarratais a fháil a leagtar amach san Fhógra Iontrála don bhliain acadúil sin.

Déanfaidh Coláiste Naomh Eointairiscint ar áit **a bhreithniú** maidir le gach Dalta atá ag lorg iontrála sa scoil, **ach amháin i gcás [ceann de] na cásanna seo a leanas:**

- 4.7 Cliseann ar an Tuismitheoir a dheimhniú i scríbhinn go nglacann sé/sí le Cód Iompair na nDaltaí agus go ndéanfaidh sé/sí gach iarracht réasúnta lena chinntiú go gcloífidh an Dalta leis an gcód sin;
- 4.8 Ní hionann inscne an Dalta atá ag lorg iontrála sa scoil agus an inscne a chuireann an scoil oideachas dó
- 4.9 Ní bhaineann an chatagóir riachtanais speisialta oideachais atá sonraithe ag an Aire Oideachais agus Scileanna i gcás an Ranga Speisialta a bhfuil an Dalta ag lorg iontrála ann leis an rang sin.
- 4.10 Tá dualgas cúraim ar an mbord bainistíochta, chomh fada is atá indéanta, sláinte agus sábháilteacht mhic léinn agus fhoireann na scoile a chinntiú. Chomh maith leis sin, éilítear ar an mbord bainistíochta faoi alt 15(1) den Acht Oideachais, 1998, oideachas cuí a chur ar fáil, nó an t-oideachas sin a chur faoi deara a sholáthar, do gach mac léinn a fhreastalaíonn ar an scoil a bhfuil an bord freagrach aisti.

Féadfar iarratas ar iontráil a dhiúltú, dá bhrí sin, dá mba rud é go gcruthódh iontráil an iarratasóra riosca suntasach do shláinte agus do shábháilteacht an iarratasóra nó do mhic léinn agus d'fhoireann na scoile, nó a chruthódh riosca suntasach a chuirfeadh isteach ar chearta mhic léinn eile ar oideachas cuí.

Sa chás go gcuireann Coláiste Naomh Eoin iarratas san áireamh, gheobhaidh gach Dalta áit, ach amháin sa chás go bhfuil ró-iarratas ar an scoil, agus sa chás sin, cuirfear critéir roghnúcháin i bhfeidhm ar gach iarratas.

Déantar plé in Alt 5 den Pholasáí seo ar na critéir roghnúcháin agus ceisteanna eile maidir leis na coinníollacha iontrála do Ghrúpa na Chéad Bhliana.

Déantar plé in Alt 6 den Pholasáí seo ar na critéir roghnúcháin agus ceisteanna eile maidir leis na coinníollacha iontrála do na bliainghrúpaí uile seachas an Chéad Bhliain.

Déantar plé in Alt 7 ar na critéir roghnúcháin agus ceisteanna eile maidir leis na coinníollacha iontrála don Rang Speisialta/do na Ranganna Speisialta.

CUID B

Eolas do Chatagóirí Iarratasóirí ar Leith

- 5. Iarratas ar Ghrúpa na Chéad Bhliana***
- 6. Iarratas ar na Bliainghrúpaí uile seachas an Chéad Bhliain***
- 7. Iarratas ar an Rang/na Ranganna Speisialta***

alt 5

Iarratas ar Ghrúpa na Chéad Bhliana

5 Iarratas ar Ghrúpa na Chéad Bhliana

5.1 Coinníollacha Iontrála (Grúpa na Chéad Bhliana)

- 5.1.1. Ró-iarratas
- 5.1.2. Critéir roghnúcháin in ord tosaíochta
- 5.1.3. Próiseas roghnúcháin
- 5.1.4. Iarratais dhéanacha
- 5.1.5. Tairiscintí ar áit sa dara/tríú babhta
- 5.1.6. Glacadh le háit
- 5.1.7. Diúltú
- 5.1.8. Tairiscint a tharraingt siar
- 5.1.9. Achomhairc

5.2 Achomhairc

- 5.3.1. Achomharc sa chás gur bhain an diúltú le ró-iarratas
- 5.3.2. Achomharc sa chás gur bhain an diúltú le cúis eile seachas ró-iarratas
- 5.3.3. Bonn achomhairc

5.1 Coinníollacha Iontrála (Grúpa na Chéad Bhliana)

Sa chás nach bhfuil ró-iarratas ar Choláiste Naomh Eoin tairgfear áit sa scoil do gach Dalta, faoi réir ailt 4.7, agus 4.9.

Ba chóir do Dhalta atá ag cur isteach ar Ghrúpa na Chéad Bhliana ach atá ag lorg iontrála sa Rang Speisialta féachaint ar alt 7 den Pholasáí Iontrála seo. Má tá iarratas á dhéanamh ag an Dalta freisin ar áit i nGrúpa príomhshrutha na Ghrúpa na Chéad Bhliana i gcás nach n-éiríonn le hiarratas ar an Rang Speisialta, bíonn feidhm ag alt 5 seo freisin.

Ní bheidh iarratais neamhchomhlíonta a fuarthas ag an scoil próiseáilte faoi na Polasaí seo.

5.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 5.1.2 iad thíos agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Coláiste Naomh Eoin in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh, faoi réir fhorálacha alt 7.1.1 maidir leis an Rang Speisialta.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

I gcás go ndéanann Dalta iarratas ar áit i Rang Speisialta agus ar áit i mbliain ghrúpa príomhshrutha araon, agus go néiríonn leis/léi i gceann den dá iarratas, ach ní sa phéire, coinneoidh sé/sí an áit chéanna ar an liosta feithimh don ghrúpa nár éirigh leis an iarratas, beag beann ar ghlacadh nó gan glacadh leis an tairiscint áite a tugadh.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

5.1.2 Critéir roghnúcháin in ord tosaíochta

Cuirfidh Coláiste Naomh Eoin na critéir seo a leanas i bhfeidhm do Ghrúpa na Chéad Bhliana:

- 5.1.2.1 Más rud é go mbeidh an Dalta 12 bhliain d'aois faoin 31 Eanáir den bhliain acadúil a mbeidh sé/sí ag iarraidh a bheith cláraithe sa Chéad Bhliain, tar éis dó/di rang a sé (nó a chomhionann) a chríochnú sa bhunscoil;
- 5.1.2.2 Má tá siblínní leis an Dalta cláraithe sa scoil faoi láthair
- 5.1.2.3 Más ball d'fhoireann na scoile é tuismitheoir/caomhnóir an Dalta;
- 5.1.2.4 Cé acu atá an Dalta tráth an iarratais, ag freastal ar an mBunscoil áitiúil agus tá sé/sí cláraithe ansin le bliain acadúil amháin ar a laghad;
- 5.1.2.5 Má bhí siblínní leis an Dalta cláraithe sa scoil roimhe seo;
- 5.1.2.6 Má d'fhreastail tuismitheoir nó seantuismitheoir leis an Dalta ar an scoil (go huasmhéid 25% de na háiteanna atá ar fáil);

5.1.3 Próiseas roghnúcháin

Cuirfidh Coláiste Naomh Eoin an próiseas roghnúcháin i bhfeidhm mar seo a leanas:

Déantar iarratais a mheas de réir na gcritéir roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéir. Ina dhiaidh sin, sa chás go mbíonn áiteanna fós ar fáil sa scoil, déantar na hIarratasóirí atá fanta a mheas i bhfianaise an dara critéir agus tairgfear áit do na hIarratasóirí a shásaíonn an critéir seo. Leantar ar aghaidh leis an bpróiseas seo go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó ná sin cothrom le chéile sa phróiseas roghnúcháin thuasluaite, cuirfidh Coláiste Naomh Eoin crannchur randamach ar bun chun aon áiteanna atá ar fáil sa bhliainghrúpa ábhartha, nó ar an liosta feithimh, a dháileadh ar na hiarratais sin.

5.1.4 Iarratais dhéanacha

Meastar gur iarratas déanach é iarratas a fhaigheann Colaiste Naomh Eoin i ndiaidh an dáta deiridh a d'fhoilsigh an scoil agus a bhí leagtha amach san Fhógra Iontrála, chun críocha an Pholasaí Iontrála seo.

Sa chás go mbíonn ró-iarratas ar Choláiste Naomh Eoin agus go bhfaigheann sí iarratas déanach ar

iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarratais. Cuirfear iarratais dhéanacha dá leithéid sin ar an liosta feithimh de réir an dáta agus an ama a fuair an scoil iad agus ina dhiaidh sin, cuirfear critéir roghnúcháin na scoile i bhfeidhm de réir an Pholasaí Iontrála seo.

Sa chás nach bhfuil ró-iarratas ar Choláiste Naomh Eoinagus go bhfaigheann sí iarratas déanach, tairgfear áit sa scoil don Dalta atá ag lorg iontrála, faoi réir ailt 4.7, 4.8 agus 4.9. agus baineann an próiseas céanna le hIarratasóirí a bhfuarthas a n-iarratais roimh an dáta deiridh, *i.e.* eiseofar Foirm Iontrála chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

5.1.5 Tairiscintí ar áit sa dara/tríú babhta

Sa chás go mbíonn tairiscint ar áit áit sa bhliainghrúpa ábharthaag Dalta ach nach nglacann sé/sí léi, nó go dtarraingíonn an scoil siar í de réir choinníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líontar gach áit sa bhliainghrúpa ábhartha.

5.1.6 Glacadh le háit

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Iontrála chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Iontrála a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Iontrála agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

5.1.7 Diúltú

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

- 5.1.7.1. Na cúiseanna nár tairgeadh áit i gColáiste Naomh Eoindon Dalta;
- 5.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mbliainghrúpa ar a bhfuil an tIarratasóir ag déanamh iarratais;
- 5.1.7.3. Sonraí faoi áit an Dalta ar an liosta feithimh, más bainteach; agus
- 5.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.
- 5.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

Chomh maith leis na coinníollacha maidir le hiarratas a mheas mar a leagtar amach i 4.7, 4.8 agus 4.9 iad, ní féidir tairiscint iontrála a dhéanamh sa chás:

5.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 5.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 5.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 5.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(anna); agus
 - (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit ar an liosta iontrála nó ar an liosta feithimh don bhliain acadúil sin agus glacfar le haon iarratais eile a dhéantar ar son an Dalta sin don bhliain acadúil chéanna mar iarratais dhéanacha de réir alt 5.1.4 thuas.

5.1.9 Achomhairc

Féach alt 5.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Choláiste Naomh Eoinmaidir le hiontráil i nGrúpa na Chéad Bhliana.

Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a (h)achomharc a chur isteach i scríbhinn, ach Foirm Iarratais Achomhairc de chuid Alt 29, atá ar fáil ó oifig na scoile agus ar shuíomh gréasáin na scoile, a chomhlánú chun go ndéanfaidh bord bainistíochta Choláiste Naomh Eoinag 'Colaiste Naomh Eoin, Inis Meáin, Árann, Co. na Gaillimhe, nó ríomhphost chuig oifig.eoin@gretb.ie athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998.

Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i gColáiste Naomh Eoin dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a (h)achomharc a chur i scríbhinn, trí Fhoirm Iarratais Achomhairc de chuid Alt 29, atá ar fáil ó oifig na scoile nó ar shuíomh gréasáin na scoile, a chomhlánú chun go ndéanfaidh bord bainistíochta Choláiste Naomh Eoin athbhreithniú uirthi. Ní mór achomharc dá leithéid sin a dhéanamh laistigh de 14 lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin.

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998.

Mura mbíonn Iarratasóir, a bheartaíonn achomharc a dhéanamh os comhair an bhoird bainistíochta, sásta le cinneadh an bhoird bainistíochta, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998 freisin.

Bonn achomhairc:

Faoi mar a éilítear in alt 29C(2) den Acht Oideachais 1998, ní mór d'iarratas ar achomharc a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar achomharc ar an gcinneadh amach ann.

ALT 6

Iarratas ar na Bliainghrúpaí uile seachas an Chéad Bhliain

6 Iarratas ar na Bliainghrúpaí uile seachas an Chéad Bhliain

6.1 Coinníollacha Iontrála (seachas an Chéad Bhliain)

- 6.1.1. Ró-iarratas
- 6.1.2. Critéir roghnúcháin in ord tosaíochta
- 6.1.3. Próiseas roghnúcháin
- 6.1.4. Iarratais dhéanacha
- 6.1.5. Tairiscintí ar áit sa dara/tríú babhta
- 6.1.6. Glacadh le háit
- 6.1.7. Diúltú
- 6.1.8. Tairiscint a tharraingt siar
- 6.1.9. Achomhairc

6.2 Coinníollacha Iontrála don Aonad Lán-Ghaeilge (seachas an Chéad Bhliain)

- 6.2.1. Ró-iarratas
- 6.2.2. Critéir roghnúcháin in ord tosaíochta
- 6.2.3. Próiseas roghnúcháin
- 6.2.4. Iarratais dhéanacha
- 6.2.5. Tairiscintí ar áit sa dara/tríú babhta
- 6.2.6. Glacadh le háit
- 6.2.7. Diúltú
- 6.2.8. Tairiscint a tharraingt siar
- 6.2.9. Achomhairc

6.3 Achomhairc

- 6.3.1. Achomharc sa chás gur bhain an diúltú le ró-iarratas
- 6.3.2. Achomharc sa chás gur bhain an diúltú le cúis eile seachas ró-iarratas
- 6.3.3. Bonn achomhairc

6.1 Coinníollacha Iontrála (seachas an Chéad Bhliain)

Sa chás nach bhfuil ró-iarratas ar Choláiste Naomh Eointairgfear áit sa scoil do gach Dalta, faoi réir ailt 4.7, 4.8 agus 4.9

Ba chóir do Dhalta atá ag cur isteach ar bhliainghrúpa nach Grúpa na Chéad Bhliana atá i gceist, ach atá ag lorg iontrála sa Rang Speisialta, féachaint ar alt 7 den Pholasáí Iontrála seo. Má tá iarratas á dhéanamh ag an Dalta freisin ar áit i bhliainghrúpa príomhshrutha nach Grúpa na Chéad Bhliana i gcás nach n-éiríonn le hiarratas ar an Rang Speisialta, bíonn feidhm ag alt 6 seo freisin.

Ní bheidh iarratais neamhchomhlíonta a fuarthas ag an scoil próiseáilte faoi na Polasaí seo.

6.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 6.1.2 thíos iad, agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Coláiste Naomh Eoinin ann áiteanna breise sa scoil a thairiscint, a thagann chun cinn sa bhliain acadúil agus le linn nabliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh, faoi réir fhorálacha alt 7.1.1 maidir leis an Rang Speisialta.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

Nuair atá Clár Idirbhliana agus/nó Clár Ardteistiméireachta Feidhmí (AF) I gColáiste Naomh Eoin agus ‘é/iad’ ró-shuibscríofa beidh Mac Léinn a dhéanann iarratas ar iontráil chuig clá(i)r dá leithéid faoi réir ag an bpolasaí seo agus, dá réir, cuirfear an tésin ar an liosta feithimh chuig a bhíonn tionsaithecheana féin (go bliantúil) ag an scoil, arb é sin an liostaina mbeidh ainmneacha na mac léinn atá cláraithe sa scoil agus atá curtha ar liosta feithimh inmheánaigh don chlár/do na cláir seo.

6.1.2 Critéir roghnúcháin in ord tosaíochta

Cuirfidh holáiste Cholmcille na critéir seo a leanas i bhfeidhm do bhliainghrúpa seachas do Ghrúpa na Chéad Bhliana:

- 6.1.2.1 Má tá cónaí ar an Dalta sa gceantar.
- 6.1.2.2 Má tá siblííní leis an Dalta cláraithe sa scoil faoi láthair;
- 6.1.2.3 Mac nó iníon le ball foirne
- 6.1.2.4 Má bhí siblííní leis an Dalta cláraithe sa scoil roimhe seo;
- 6.1.2.5 Má d'fhreastail tuismitheoir nó seantuismitheoir leis an Dalta ar an scoil (go huasmhéid 25% de na háiteanna atá ar fáil);

Ní chuirfear aon chritéir roghnúcháin nach n-áirítear sa Pholasaí Iontrála seo san áireamh agus cinneadh á dhéanamh cibé an bhfuil nó nach bhfuil Iarratasóir á ligean isteach.

6.1.3 Próiseas roghnúcháin

Cuirfidh Coláiste Naomh Eoinan próiseas roghnúcháin i bhfeidhm mar seo a leanas:

Déantar iarratais a mheas de réir na gcritéir roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéir. Ina dhiaidh sin, sa chás go mbíonn áiteanna fós ar fáil sa bhliainghrúpa ábhartha, déantar na hIarratasóirí atá fanta a mheas i bhfianaise an dara critéir agus tairgfear áit do na hIarratasóirí a shásaíonn an critéir seo. Leantar ar aghaidh leis an bpróiseas seo i gcoinne na gcritéir roghnúcháin go léir go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó cothrom le chéile sa phróiseas roghnúcháin thuasluaite, cuirfidh Coláiste Naomh Eoincrannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

6.1.4 Iarratais dhéanacha

Meastar gur iarratas déanach é iarratas a fhaigheann Choláiste Naomh Eoini ndiaidh an dáta deiridh a d'fhoilsigh Coláiste Naomh Eoin agus a bhí leagtha amach san Fhógra Iontrála, chun críocha an Pholasaí Iontrála seo.

Sa chás go mbíonn ró-iarratasar bhliainghrúpa ábhartha agus go bhfaigheann sí iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an

scoil a n-iarratais roimh an dáta deiridh d'iarratais, is cuma aon chritéir roghnúcháin a d'fhéadfaí a chur i bhfeidhm maidir le hiarratais a fuarthas roimh an spriocdháta d'iarratais. Cuirfear iarratais dhéanacha dá leithéid sin ar liosta feithimh de réir an dáta agus an ama a fuair an scoil iad, faoi réir ailt 4.7, 4.8 agus 4.9.

Chun mearbhall a sheachaint, ní bhaineann critéir roghnúcháin le hiarratais dhéanacha, agus ní chuirfear i bhfeidhm iad.

Sa chás nach bhfuil ró-iarratas ar Choláiste Naomh Eoin .i. nach bhfuil liosta feithimh ann, agus go bhfaigheann sí iarratas déanach, tairgfear áit sa bhliainghrúpa ábhartha don Dalta atá ag lorg iontrála, faoi réir ailt 4.7, 4.8 agus 4.9 agus baineann an próiseas céanna le hIarratasóirí a bhfuarthas a n-iarratais roimh an dáta deiridh, .i. eiseofar Foirm Iontrála chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

6.1.5 Tairiscintí ar áit sa dara/tríú babhta

Sa chás go mbíonn tairiscint ar áitsa bhliainghrúpa ábhartha i gColáiste Naomh Eoinag Dalta ach nach nglacann sé/sí léi, nó go dtarraingíonn an scoil siar í de réir chionníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líonfar gach áit sa bhliainghrúpa ábhartha.

6.1.6 Glacadh le háit:

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Iontrála chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Iontrála a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Iontrála agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

6.1.7 Diúltú:

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

- 6.1.7.1. Na cúiseanna nár tairgeadh áit i gColáiste Naomh Eoindon Dalta;
- 6.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an mblianghrúpa ar a bhfuil an tIarratasóir ag déanamh iarratais;
- 6.1.7.3. Sonraí faoi áit an Dalta ar an liosta feithimh, más bainteach; agus
- 6.1.7.4. Sonraí faoin gceart atá ag an Iarratasóir achomharc a dhéanamh faoin gcinneadh.

Tá freagracht maidir le sláinte agus sábháilteacht na daltaí agus na foirne ar an mBord Bhainistíochta. Maraon, tá dualgas ar an mBord, de réir roinn 15(1) den Acht Oideachais 1998, soláthar oideachais cuí a chur ar fáil do gach dalta faoi chúram an Bhoird. Dá bhrí sin, d'fhéadfaí iarratas a dhiúltiú sa gcás is go mbeadh baol sláinte agus sábháilteachta don iarrthóir, do dhaltaí nó d'fhoireann na scoile. D'fhéadfaí iarratas a dhiúltiú sa gcás is go mbeadh droch-thionchar aige sin ar chearta oideachas daltaí eile.

Chomh maith leis na coinníollacha maidir le hiarratas a mheas mar a leagtar amach i 4.7, 4.8 agus 4.9 ní féidir tairiscint iontrála a dhéanamh sa chás:

- 6.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

Tá freagracht maidir le sláinte agus sábháilteacht na daltaí agus na foirne ar an mBord Bhainistíochta. Maraon, tá dualgas ar an mBord, de réir roinn 15(1) den Acht Oideachais 1998, soláthar oideachais cuí a chur ar fáil do gach dalta faoi chúram an Bhoird. Dá bhrí sin, d'fhéadfaí iarratas a dhiúltiú sa gcás is go mbeadh baol sláinte agus sábháilteachta don iarrthóir, do dhaltaí nó d'fhoireann na scoile. D'fhéadfaí iarratas a dhiúltiú sa gcás is go mbeadh droch-thionchar aige sin ar chearta oideachas daltaí eile.

6.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 6.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 6.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an dáta nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 6.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(eanna); agus
 - (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit ar an liosta iontrála nó ar an liosta feithimh don bhliain acadúil sin agus glacfar le haon iarratais eile a dhéantar thar ceann an Dalta sin don bhliain acadúil chéanna mar iarratais dhéanacha de réir alt 6.1.4 thuas.

6.1.9 Achomhairc

Féach alt 6.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Choláiste Naomh Eoinmaidir le hiontráil i mbliainghrúpa seachas Grúpa na Chéad Bhliana.

Bonn achomhairc:

Faoi mar a éilítear in alt 29C(2) den Acht Oideachais 1998, ní mór d'iarratas ar achomharc a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar achomharc ar an gcinneadh amach ann.

Achomhairc

6.2.1 Achomharc sa chás gur bhain an diúltú le ró-iarratas:

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a iarraidh i dtosach go ndéanann an bord bainistíochta athbhreithniú i scríbhinn, trí 'Foirm BOMR1', atá ar fáil ó oifig na scoile agus ag gov.ie - *Achomhairc maidir le scoláire a ligean isteach toisc go bhfuil ró-éileamh ar an scoil*, chun go ndéanfaidh bord bainistíochta Cholaíste Naomh Eoinathbhreithniú uirthi. Ní mór don Iarratasóir an t-athbhreithniú sin a lorg laistigh d'fhiche a haon lá féilire ó cinneadhna scoile diúltú dá (h)iontráil sa scoil. Má shonraíonn an tAire Oideachais tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin. Ba cheart Foirmeacha líonta BOMR1 a sheoladh chuig oifig na scoile nó ar líne trí ríomhphost a sheoladh chuig oifig.eoin@gretb.ie

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair Coiste Achomhairc a bhunaigh an tAire Oideachais faoi alt 29A den Acht Oideachais 1998. Caithfear achomhairc a dhéanamh i scríbhinn ar 'Foirm Achomhairc Alt 29', ar fáil ag gov.ie - *Achomhairc maidir le scoláire a ligean isteach toisc go bhfuil ró-éileamh ar an scoil* agus caithfear iad a sheoladh chuig Aonad Riaracháin Achomhairc Alt 29 sa Roinn Oideachais nó is féidir an t-achomharc a chur isteach ar líne tríd an gcáipéisíocht riachtanach a uaslódáil ag <https://www.section29appeals.gov.ie/>. De réir 'Nósanna Imeachta éisteachta agus cinnidh achomharc faoi alt 29', ní féidir achomharc den saghas sin a dhéanamh go dtí go bhfuil comhfhreagras faighte ag an Iarratasóir ón mbord bainistíochta maidir leis an athbhreithniú, nó go dtí go bhfuil 42 lá féilire éagtha ón dáta a rinneadh an diúltú tosaigh, cibé acu is luaithe, agus ní féidir achomharc a dhéanamh níos déanaí ná 63 lá féilire i ndiaidh an chinnidh thosaigh chun cead isteach a dhiúltú.

6.2.2 Achomharc sa chás gur bhain an diúltú le cúis eile seachas ró-iarratas:

Féadfaidh Iarratasóir ar diúltaíodh iontráil i gColáiste Naomh Eoin dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a iarraidh go ndéanfaidh an bord bainistíochta athbhreithniú i dtosach, trí 'Foirm BOMR1', atá ar fáil ó oifig na scoile nó ag gov.ie - *Achomhairc maidir le scoláire a ligean isteach ar chúis seachas ró-éileamh a bheith ar an scoil*, chun go ndéanfaidh bord bainistíochta Cholaíste Naomh Eoin athbhreithniú uirthi. Ní mór don Iarratasóir an t-athbhreithniú sin a lorg laistigh

d'fhiche a haon lá féilire ó cinneadh na scoile diúltú dá (h)iontráil sa scoil. Má shonraíonn an tAire Oideachais tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin. Ba cheart Foirmeacha líonta BOMR1 a sheoladh chuig oifig na scoile nó ar líne trí ríomhphost a sheoladh chuig ccc@gretb.ie (Is féidir le hiarratasóir iarraidh ar athbhreithniú a aistarraingt at aon tráth sula dtabharfar an t-athbhreithniú chun críche tríd é sin a chur in iúl don bhord bainistíochta i scríbhinn.)

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais faoi acht 29A den Acht Oideachais 1998. Caithfear achomhairc a dhéanamh i scríbhinn ar 'Foirm Achomhairc Alt 29', ar fail ag gov.ie - [Achomhairc maidir le scoláire a ligean isteach ar chúis seachas ró-éileamh a bheith ar an scoil agus caithfear iad a sheoladh chuig Aonad Riaracháin](http://gov.ie) Achomhairc Alt 29 sa Roinn Oideachais nó is féidir an t-achomharc a chur isteach ar líne tríd an gcáipéisíocht riachtanach a uaslódáil ag <https://www.section29appeals.gov.ie/>. De réir *'Nósanna Imeachta éisteachta agus cinnidh achomharc faoi alt 29'*, ní féidir achomharc den saghas sin a dhéanamh níos déanaí ná 63 lá féilire i ndiaidh an chinnidh thosaigh chun cead isteach a dhiúltú.

Mura mbíonn Iarratasóir, a lorgaíonn go ndéanann an bord bainistíochta athbhreithniú, sásta le cinneadh an bhoird bhainistíochta, féadfaidh an tIarratasóir sin iarratas a dhéanamh chun achomharc a dhéanamh os comhair Coiste Achomhairc a bhunaigh an tAire Oideachais faoi alt 29A den Acht Oideachais 1998 freisin, faoi mar a dtugtar cuntas air san alt deireanach.

6.2.3 Bunús le haghaidh athbhreithnithe ag an mbord bainistíochta:

Faoi mar a éilítear in alt 29C(2) den Acht Oideachais 1998, ní mór aon iarraidh go ndéanann an bord bainistíochta athbhreithniú ar chinneadh a rinne an scoil chun cead isteach a dhiúltú a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar athbhreithniú an gcinneadh amach ann.